

## حادي امحرم أوحش الكون ابنهاره وجهه على قلب النبي وجّر اجماره

عاشور أقبل يا خلق بيّن اهلاله  
شهر فجميع اعلى النبي محمد وآله  
وين أليعزي المصطفى ابذبحه اعياله  
مثل الأضاحي اتجزّروا دمهم تجارى

إستضعفوا لحسين وحده ضده اجيوش  
ما حنّوا الحاله كسير او قلبه مدهوش  
ماتت ضمائرهم بلا رحمه هلوحوش  
فجعه باثر فجعه جرع كاس المراره

سبع الشداد اتزلزلت من نوح جبريل  
لابن الرسول حسين دمع عيونه ايسيل  
مقطوع راسه والجسد ما لاقى تغسيل  
مقلوب على صدره انطرح بارض المعاره

بن سعد أمر جهزوا خيل الأعوجيه  
عشره اصعدوا طحنوا جسد ولد الزجيه  
فتّوا اعظامه لا اتبقوا له بقيه  
سلبوا حريمه واحرقوا بالنار داره

ما قصّروا في كربلا باهله ولوهم  
يمهم نهر لفرات من مايه احرموهم  
خلصوا ذبح لولاد والنسوه سبوهم  
ساقوا حفيدات الوحي القصر الإماره